

**CONSELLERÍA DE ECONOMÍA E  
FACENDA**

SECCIÓN 07



## 1. COMPETENCIAS

---

A Consellería de Economía e Facenda é o órgano da Administración da Comunidade Autónoma de Galicia ao que lle corresponden as competencias e funcións que en materia de economía e facenda se establecen no Estatuto de autonomía.

O Decreto Lexislativo 1/1999, do 7 de outubro, polo que se aproba o texto refundido da Lei de réxime financeiro e orzamentario de Galicia, establece no artigo 7 as seguintes competencias da Consellería de Economía e Facenda.

1. A execución ou dirección da política económica e financeira aprobada pola Xunta, na forma que esta determine.
2. A elaboración do anteproxecto de lei de orzamentos xerais da comunidade autónoma.
3. O control de eficacia e eficiencia respecto dos obxectivos previstos nos orzamentos xerais da comunidade.
4. A ordenación de pagamentos nos termos establecidos na presente lei.
5. O exercizo directo das demais funcións de control interno reguladas nesta lei e a dirección e execución da contabilidade pública.
6. A administración, xestión e recadación dos dereitos da Facenda da Comunidade Autónoma, o desenvolvemento das actividades inherentes ao exercizo da tutela financeira sobre os entes locais, que ten atribuída a comunidade no artigo 49 do Estatuto de autonomía.
7. As funcións executivas en materia de ordenamento e control das institucións de crédito corporativo público e territorial e caixas de aforro que operen no seu territorio, nos termos previstos no artigo 30 do Estatuto de autonomía.
8. As demais funcións e competencias que lle asigne a normativa legal vixente.

Polo Decreto 232/2005, do 11 de agosto, fíxase a estrutura orgánica dos departamentos da Xunta de Galicia.

Segundo se dispón no apartado a) do artigo 3º, a Consellería de Economía e Facenda estrutúrase nos seguintes órganos superiores:

1. Conselleiro
2. Secretaría Xeral e do Patrimonio
3. Intervención Xeral da Comunidade Autónoma
4. Dirección Xeral de Tributos
5. Dirección Xeral de Orzamentos

6. Dirección Xeral de Política Financeira e Tesouro
7. Dirección Xeral de Planificación Económica e Fondos Comunitarios

O Decreto 79/2007, do 19 de abril, establece a estrutura orgánica da Consellería de Economía e Facenda e sinala as competencias de cada un dos seus centros directivos.

## SECRETARÍA XERAL E DO PATRIMONIO

Correspóndenlle as competencias seguintes:

As establecidas no Decreto 119/1982, do 5 de outubro, polo que se regulan as funcións das secretarías xerais técnicas nas consellerías da Xunta de Galicia entre as que se inclúen as seguintes:

1. Asistencia técnica e administrativa ao conselleiro nos asuntos que lle encomende.
2. Xestión económica e orzamentaria dos créditos asignados.
3. Xestión do persoal e a coordinación administrativa e o réxime interior da consellería
4. En caso de ausencia ou enfermidade do conselleiro correspóndenlle as funcións ordinarias de despacho e sinatura de asuntos de trámite.
5. O exercizo das competencias que resultan da orde de delegación de competencias do conselleiro na secretaría xeral de data 18/09/2006 e aquelas outras que lle sexan encomendadas polo titular da consellería.

Correspóndelle así mesmo á secretaría xeral o exercizo das competencias que as normas reguladoras do patrimonio da comunidade autónoma lle atribúen á Consellería de Economía e Facenda, entre elas as seguintes:

1. A proposta das directrices no tráfico xurídico dos bens patrimoniais da comunidade autónoma e na forma de utilización dos bens de dominio público.
2. A coordinación da xestión de todos os asuntos concernentes á administración e ao tráfico dos bens patrimoniais e de dominio público.
3. O control dos ingresos e rendementos que lle proporcione á comunidade autónoma o seu patrimonio, sen prexuízo das competencias doutros centros directivos da consellería.

Finalmente, en materia de contratación pública, correspóndelle, entre outras:

1. O desempeño da presidencia da Xunta Consultiva de Contratación Administrativa e o apoio á mesma a través da súa secretaría xeral.

## INTERVENCIÓN XERAL DA COMUNIDADE AUTÓNOMA DE GALICIA

Ten atribuídas as seguintes competencias:

1. Efectuar o control interno da actividade económico-financeira da Comunidade Autónoma de Galicia, mediante o exercizo da función interventora e do control financeiro na forma e co contido previstos no capítulo I do título V da Lei de réxime financeiro e orzamentario de Galicia.
2. A dirección e xestión da contabilidade pública na forma e co contido previstos nos capítulos II e III do título V da Lei de réxime financeiro e orzamentario de Galicia e na Orde de 1 de decembro de 1989, pola que se implanta un novo sistema de información contable na Administración da Xunta de Galicia.
3. Implementar as medidas para establecer o control financeiro permanente nos entes dependentes da Xunta de Galicia.
4. A xestión da información económico-financeira e formulación de informes e propostas de actuación derivadas do exercizo das súas funcións contables e de control.
5. O exercizo das demais funcións que lle asigna a lei e outra normativa de aplicación.

## DIRECCIÓN XERAL DE TRIBUTOS

Compete a esta dirección xeral:

1. A análise e o deseño da política global de ingresos públicos, no relativo aos tributos cedidos polo Estado á Comunidade Autónoma e aos tributos propios e prezos que esta estableza.
2. A dirección, impulso, planificación, coordinación, control e execución da xestión e inspección e revisión dos tributos cedidos, así como da xestión e inspección e revisión dos tributos propios e prezos que corresponden á Xunta de Galicia, aos seus organismos autónomos e demais entidades de dereito público dependentes dela.
3. O impulso e a coordinación das relacións de colaboración que en materia tributaria poidan establecerse con outras administracións públicas.
4. A elaboración das normas relativas aos ingresos de dereito público a que se refiren os puntos anteriores, así como a emisión de instrucións e circulares para o seu cumprimento.
5. A dirección da xestión recadatoria nos seus dous períodos, así como a autorización das contas restrinxidas de recadación e o seu control, de acordo co previsto na Lei de réxime financeiro e orzamentario de Galicia, e no Regulamento xeral de recadación, sen prexuízo das actuacións de coordinación que procedan, para estes efectos, coa Dirección Xeral de Política Financeira e Tesouro.
6. Apoio ás actuacións da Xunta Superior de Facenda.

## DIRECCIÓN XERAL DE ORZAMENTOS

Correspóndenlle as seguintes competencias:

1. Realización de estudos e actuacións relativas á determinación dos recursos económicos que deben ser transferidos á comunidade autónoma desde os orzamentos doutras administracións públicas, agás os que se lle asignen a outros centros directivos.
2. Elaboración do proxecto dos orzamentos xerais da comunidade autónoma, así como o desenvolvemento das competencias atribuídas pola lexislación vixente á Consellería de Economía e Facenda en materia orzamentaria.
3. A análise económico-financeira da evolución orzamentaria na súa vertente de ingresos e gastos, podendo, se é o caso, propoñer aquelas medidas que se consideren convenientes para o necesario equilibrio orzamentario. Para tal efecto, poderá reclamar a información que precise dos centros directivos correspondentes.
4. O exercizo das competencias atribuídas pola lexislación vixente á Consellería de Economía e Facenda en materia de retribucións do persoal, aprobación e modificación de anexos de persoal, autorización de masa salarial en convenios e acordos colectivos e, en xeral, en todas aquelas materias relacionadas con decisións sobre o persoal que teñan repercusión económica.
5. A xestión do Fondo de Cooperación Local.

Polo que se refire ao Servizo Galego de Saúde (Sergas), sen prexuízo das anteriores competencias xerais, correspóndelle:

1. Establecer os criterios que se deben seguir en materia de xestión de recursos propios.
2. Coñecer aqueles actos de control, inspección e avaliación da xestión, tanto en centros ou servizos sanitarios propios coma concertados, efectuados pola Consellería de Sanidade e o Sergas que teñan contido económico e que sexan de interese para a Consellería de Economía e Facenda.
3. Emitir informe sobre os proxectos de novos investimentos e novos servizos, en canto a súa incidencia nos gastos recorrentes.

## DIRECCIÓN XERAL DE POLÍTICA FINANCEIRA E TESOURO

Exercerá as competencias seguintes:

O desenvolvemento e execución das funcións que lle corresponden á comunidade autónoma en materia financeira, en especial as relativas a:

1. Caixas de aforro e demais entidades financeiras.

2. Tutela financeira sobre corporacións locais galegas.
3. Endebemento da comunidade autónoma e, en canto estea atribuído á comunidade, o doutros entes públicos.
4. Centros de contratación de valores.
5. Mutualidades de previsión social non integradas na Seguridade Social e outras entidades aseguradoras.
6. Ordenación do crédito, banca e seguros.

A xestión da Tesourería da Comunidade Autónoma e, en especial:

1. A realización dos ingresos.
2. A ordenación xeral de pagamentos en canto lle fose delegada polo conselleiro/a de Economía e Facenda.
3. A ordenación xeral de pagamentos do Servizo Galego de Saúde, así como a periodificación de pagamentos e provisión de fondos dos seus centros de xestión.
4. A xestión dos depósitos e fianzas que deban constituírse na Caixa Xeral de Depósitos da Comunidade Autónoma.
5. Implementar as medidas que precise a presentación de avais por medios electrónicos
6. Autorización da apertura de contas nas entidades de crédito e aforro, e o seu réxime de disposición, de acordo co establecido na Lei de réxime financeiro e orzamentario de Galicia, sen prexuízo daquelas que corresponden á Dirección Xeral de Tributos.
7. A xestión e rendabilización de todos os recursos financeiros da tesourería xeral e a súa distribución para o pago das obrigacións.

## DIRECCIÓN XERAL DE PLANIFICACIÓN ECONÓMICA E FONDOS COMUNITARIOS

Correspóndenlle as seguintes competencias:

1. O exercicio de todas as que o Estatuto de autonomía lle atribúe á comunidade autónoma en materia de planificación económica.
2. A coordinación coa Dirección Xeral de Orzamentos para os efectos de repercusión da planificación económica no cálculo do orzamento. Así mesmo, o seguimento de actuacións de política económica da Administración autonómica.
3. A relación sobre materias relativas á Unión Europea (UE) e á política económica, tanto no ámbito da comunidade autónoma como doutras administracións, a través dos órganos colexiados de coordinación que correspondan ou das diversas comisións sectoriais establecidas. Así mesmo, o

mantemento de relacións con outras administracións públicas e cos sectores socioeconómicos e axentes sociais en canto se refire ao seguimento das súas actuacións investidoras, e co Consello Económico e Social de Galicia, sen prexuízo das competencias sectoriais doutras consellerías.

4. A coordinación e o impulso de actuacións da Administración autonómica en materias relacionadas coas políticas rexionais e sectoriais da UE.
5. O seguimento do impacto económico a medio prazo das políticas comunitarias, nacionais e rexionais.
6. A elaboración de análises e estudos sobre o impacto territorial da actividade económica en xeral e do gasto público en particular, así como, se é o caso, a instrumentación de propostas para a corrección dos desequilibrios rexionais, e a avaliación dos programas económicos a medio prazo.
7. A coordinación das relacións coa Administración xeral do Estado e, se é o caso, coa europea, en materias de coordinación de investimentos, en canto á programación a medio prazo.
8. A coordinación de actuacións tendentes ás demandas de información das inspeccións técnicas e financeiras comunitarias.

A Consellería de Economía ten adscritos os seguintes Organismos Autónomos e Sociedades Públicas:

## ORGANISMOS AUTÓNOMOS ADMINISTRATIVOS

### INSTITUTO GALEGO DE ESTADÍSTICA

Creouse pola Lei 9/1988, do 19 de xullo, de estatística de Galicia; modificada pola Lei 7/1993, do 24 de maio, e pola disposición adicional única da Lei 10/2001, do 17 de setembro, e as demais normas que as desenvolven.

A súa competencia e finalidade básica é a de promover o desenvolvemento do sistema estatístico da comunidade autónoma, prestando servizos de recompilación e difusión da documentación estatística dispoñible, desenvolvendo bases de datos de interese público, analizando as necesidades e a evolución da demanda de estatísticas e asegurando a súa difusión.

### TRIBUNAL GALEGO DE DEFENSA DA COMPETENCIA

Créase ao abeiro da Lei 6/2004, do 12 de xullo, ten como finalidade xeral preservar o funcionamento competitivo dos mercados no ámbito territorial da Comunidade Autónoma de Galicia, garantindo a existencia nos mesmos dunha competencia efectiva.



## SOCIEDADES PÚBLICAS

### ENTES DE DEREITO PÚBLICO

#### INSTITUTO GALEGO DE PROMOCIÓN ECONÓMICA (IGAPE)

Créase pola Lei 5/1992, do 10 de xuño, como instrumento básico da actuación da Xunta de Galicia para impulsar o desenvolvemento competitivo do sistema produtivo galego, promovendo actividades que contribúan á creación do emprego en Galicia e a un desenvolvemento económico, harmónico, equilibrado e xusto, baseado nun tecido industrial moderno e competitivo. Entre as súas funcións están as de fomentar a creación de novas empresas, promover a mellora da produtividade e competitividade das sociedades xa asentadas na comunidade autónoma, atraer investimentos foráneos e facilitar a internacionalización do tecido produtivo.

#### CENTRO INFORMÁTICO DE XESTIÓN TRIBUTARIA, ECONÓMICO-FINANCEIRA E CONTABLE (CIXTEC)

Creado pola disposición adicional quinta da Lei 2/1998, do 8 de abril, e que inicia a súa actividade polas determinacións do Decreto 360/1998, do 4 de decembro.

O obxecto do CIXTEC é o desenvolvemento de proxectos e aplicacións informáticas, a súa xestión, planificación, supervisión, asesoramento e coordinación, así como a subministración dos equipos necesarios para realizar os procesos informáticos da Xunta de Galicia de natureza tributaria, contable, orzamentaria e económico-financeira e, en xeral, os relacionados cos anteriores.

#### CONSELLO ECONÓMICO E SOCIAL DE GALICIA (CES)

Creado pola Lei 6/1995, do 28 de xuño, como ente consultivo da Xunta de Galicia en materia socio-económica, en aplicación do previsto no artigo 9.2 da Constitución española e nos artigos 4.2 e 55.4 do Estatuto de autonomía de Galicia, co obxecto de facilitar a participación da cidadanía galega na vida política, económica, social e cultural.

## SOCIEDADES MERCANTÍS

#### SOCIEDADE PÚBLICA DE INVESTIMENTOS DE GALICIA, S.A (SPI)

Creada ao abeiro do artigo 55.2 do Estatuto de autonomía e, de conformidade co previsto nos artigos 45.1 e 3 da Lei 3/1985, do 12 de abril, do patrimonio da Comunidade Autónoma de Galicia, mediante Decreto 56/1997, do 6 de marzo, modificado polo Decreto 260/2002, do 30 de xullo. A

Sociedade Pública de Investimentos de Galicia, S.A. ten por obxecto, entre outros, a proxección, construción, conservación, explotación e promoción de toda clase de infraestruturas que a Xunta de Galicia promova ou participe, e tamén os servizos que se poidan instalar ou desenvolver nas ditas infraestruturas.

#### **AUTOESTRADA ALTO DE SANTO DOMINGO-OURENSE, S.A (ACEOUSA)**

Creada polo Decreto 254/2003, do 24 de abril, e participada integramente pola Sociedade Pública de Investimentos ( SPI ).

Ten por obxecto o exercizo dos dereitos e o cumprimento das obrigas relativas á xestión da concesión administrativa que lle outorgou, por Decreto da Xunta de Galicia, para a construción, conservación e explotación da autoestrada Santiago de Compostela-Ourense, tramo de Santo Domingo-A52.

#### **CENTRO EUROPEO DE EMPRESAS E INNOVACIÓN DE GALICIA (CEEI GALICIA, S.A.)**

Sociedade anónima participada maioritariamente polo Instituto Galego de Promoción Económica ( IGAPE ) constituíuse en 1991 co obxectivo de promover a creación e/ou o desenvolvemento, no ámbito da comunidade autónoma galega, de empresas independentes e innovadoras de acordo cos modelos e directrices da Comisión das Comunidades Europeas para os centros europeos de empresas e innovación.

#### **XES GALICIA**

Sociedade xestora de entidades de capital-risco, creada por Acordo do Consello da Xunta de Galicia do día 12 de novembro de 1998. O seu capital social inicial foi integramente subscrito e desembolsado polo Igape.

O seu obxecto social principal é a administración e xestión dos fondos “Emprende”, “Adiante” , “Aquagal”, “Semente” e dos activos de Sodiga.

#### **SOCIEDADE PARA O DESENVOLVEMENTO INDUSTRIAL DE GALICIA (SODIGA)**

Con data 14 de xullo de 1994 o IGAPE adquiriu mediante escritura Pública accións por valor equivalente ao 46,19 % do capital social de SODIGA.

O obxecto da sociedade e actividade principal da mesma consiste na toma de participacións temporais no capital de empresas non financeiras que non coticen no primeiro mercado das Bolsas de valores nin noutro mercado secundario e que teñan relación co desenvolvemento e/ou consolidación da economía e da industria no territorio da comunidade autónoma.

Para o desenvolvemento do seu obxecto social principal, as Sociedades de capital-risgo poden facilitar empréstitos participativos, así como outras formas de financiamento, neste último caso, unicamente ás súas sociedades participadas. De igual modo, poden realizar actividades de asesoramento .

A Consellería ten adscritos, ademais, como ÓRGANOS COLEXIADOS os seguintes:

1. A Xunta Superior de Facenda creada coa denominación Tribunal Económico-Administrativo da Comunidade Autónoma de Galicia, pola disposición adicional primeira da Lei 13/1991, do 9 de decembro, regulamentado polo Decreto 34/1997, do 20 de febreiro, que modificou a súa denominación en virtude do exposto na disposición adicional primeira da Lei 6/2003, do 9 de decembro, de taxas, prezos e exaccións reguladoras da Comunidade Autónoma de Galicia.
2. A Comisión Orzamentaria da Administración da Comunidade Autónoma de Galicia, creada polo Decreto 206/1996, do 24 de maio.
3. A Comisión de Nóminas, creada por acordo do Consello da Xunta do 3 de marzo de 2000.
4. A Comisión de Seguimento e Control do Gasto Corrente, creada por acordo do Consello da Xunta do 19 de maio de 2000.
5. A Comisión de Coordinación de Fondos Comunitarios, creada polo Decreto 184/2007, do 13 de setembro.
6. A Xunta Consultiva de Contratación Administrativa da Comunidade Autónoma, creada polo Decreto 237/2007, do 5 de decembro.

---

## **2. OBXECTIVOS E LIÑAS DE ACCIÓN PARA O ANO 2009**

---

### **2.1 DA CONSELLERÍA**

A suma total dos créditos que o proxecto de orzamentos pon ao dispor da consellería ascende, en cifras consolidadas cos organismos autónomos, a 181.287.738 euros.

A Consellería de Economía é a responsable, así mesmo da xestión orzamentaria dos créditos consignados neste exercicio na sección de “Gastos de diversas Consellerías”, de “Débeda Pública” de “Transferencias a corporacións locais”.

Os recursos asignados á Consellería de Economía destínanse a exercer as competencias e funcións descritas anteriormente.

Os obxectivos estratéxicos da Consellería de Economía e Facenda durante o ano 2009 son:

1. O reforzamento das medidas de gasto que fomenten e impulsen a dinamización, a modernización e diversificación da economía galega mellorando a competitividade da mesma e impulsando a produtividade, motores do desenvolvemento económico, no marco dos instrumentos de planificación elaborados, en especial o “Marco Estratéxico de Convergencia Económica de Galicia ( MECEGA 2007-2013)” en liña ca renovada Axenda de Lisboa e tamén no “Acordo pola competitividade de Galicia 2008-2010” asinado entre a Xunta de Galicia, CEG, UGT-Galicia e SN de CC.OO. de Galicia.
2. O impulso e coordinación das políticas de gasto que faciliten un desenvolvemento territorial equilibrado da nosa comunidade plasmadas entre outras no “Plan de reequilibrio Territorial 2007-2010”.
3. A coordinación e impulso do Programa de dinamización económica impulsando o investimento público.
4. A consolidación e reforzamento das medidas de fomento do apoio ao desenvolvemento da apertura ao exterior da economía galega fortalecendo o Plan de internacionalización da empresa galega e potenciando os canles de información sobre os mercados internacionais.
5. O impulso da coordinación interadministrativa nas políticas de creación de novo tecido empresarial.
6. O reforzamento do apoio financeiro aos proxectos empresariais innovadores e xeradores de emprego de calidade.
7. O fomento do investimento produtivo e o reforzo do sistema galego de capital risco, potenciando os servizos ás empresas e entidades asociativas, impulsando a participación e a cooperación entre os axentes económicos galegos.
8. O Incremento do grao de eficacia e eficiencia do gasto público da consellería e da comunidade autónoma.

Para a consecución destes obxectivos estratéxicos, levaranse a cabo as seguintes liñas de acción dende os diferentes centros directivos, organismos e entes públicos.

## SECRETARIA XERAL

Os seus obxectivos para o 2009 son:

1. Impulsar a coordinación administrativa xeral que permita acadar os obxectivos xerais da consellería.
2. Xestionar eficaz e eficientemente o orzamento a ela asignado como órgano xestor.
3. Desenvolver o plan de modernización impulsando a posta en marcha da licitación electrónica na consellería.

4. Incrementar a eficacia, eficiencia e transparencia das contratacións e subministros centralizados na secretaría, así como a xestión dos recursos humanos da consellería.
5. Incrementar o grado de eficiencia no mantemento das dependencias da consellería e das delegacións territoriais.
6. Desenvolver o “Plan de espazos” poñendo á disposición das diferentes consellerías os espazos necesarios para a mellora dos servizos aos cidadáns e fomentando a eficiencia no gasto público asociado a dito plan.
7. Executar os investimentos orzamentados.
8. Impulsar o desenvolvemento do “Plan de racionalización do sector público de Galicia” na anualidade 2009 co seguimento das accións que se definen na memoria do libro de sociedades públicas do actual orzamento.
9. Levar a cabo a verificación da información periódica, subministrada polas sociedades públicas autonómicas.
10. Coordinar e dirixir as actuacións de defensa do patrimonio da comunidade autónoma impulsando a aplicación dos medios electrónicos de xestión patrimonial e de confección do inventario.
11. Impulsar as actuacións inspectoras e sancionadoras que procedan en materia de defensa da competencia.
12. Impulsar a realización e divulgación das operacións estatísticas previstas no Programa estatístico 2009 para a Consellería de Economía.
13. Reforzar as accións a desenvolver pola “Xunta Consultiva de Contratación administrativa” en materia de asesoramento e tutela da lexislación vixente en materia de contratación administrativa das diferentes administracións públicas galegas.

## INTERVENCIÓN XERAL DA COMUNIDADE AUTÓNOMA DE GALICIA

A Intervención Xeral da Comunidade Autónoma no exercicio 2009 plantéxase como obxectivos primordiais os seguintes:

1. Incrementar o control que se ven realizando no ámbito das sociedades e entes públicos da Comunidade Autónoma de Galicia.
2. Consolidación do control financeiro como sistema de control no ámbito de Servizo Galego de Saúde.
3. Continuar na mellora da transparencia en materia de subvencións incrementando as auditorías e controis sobre beneficiarios.

4. Implantación de melloras en materia contable na liña indicada polo Consello de Contas nos seus informes, especialmente no relativo á contabilidade e seguimento de fondos europeos.
5. Desenvolvemento do sistema contable da Xunta de Galicia con vistas á implantación da tramitación electrónica dos expedientes.
6. Mellora do sistema contable, incrementando as súas potencialidades en canto a obtención de información en temas como a contabilidade nacional e a contabilidade financeira.
7. Continuar cos procedementos en materia de seguimento e verificación do cumprimento das recomendacións efectuadas polo Consello de Contas nos seus informes.
8. Elaboración de proxectos normativos, en particular os regulamentos de control financeiro.
9. Revisión de procedementos con vistas a optimizar a tramitación administrativa en diversas materias.

## DIRECCIÓN XERAL DE TRIBUTOS

Durante o ano 2009 a Dirección Xeral de Tributos ten os obxectivos seguintes:

1. Dar cumprimento as previsións orzamentarias do estado de ingresos nos tributos cuxa xestión corresponde a esta dirección xeral.
2. Desenvolvemento e posta en funcionamento dos importantes cambios legislativos tributarios adoptados e a adoptar.
3. Revisión e posta en marcha da imposición medioambiental.
4. Mellorar a planificación, coordinación e control da xestión, inspección, recadación e revisión dos tributos xestionados pola Xunta, coa análise e deseño dos posibles modelos de xestión.
5. Impulso das novas tecnoloxías así como da colaboración social, á búsqueda da redución de papel e de trámites administrativos.
6. Facilitar os servizos aos cidadáns coa introdución de novas funcionalidades na Oficina Virtual Tributaria.
7. Dotar de maior calidade, eficacia e eficiencia aos procesos xestores a través da mellora dos procedementos internos coa racionalización e modernización dos actos administrativos así como do tratamento da información.

## DIRECCIÓN XERAL DE ORZAMENTOS

Os obxectivos da Dirección Xeral de Orzamentos para o ano 2009 se encadran dentro das funcións propias e específicas de elaboración, control e seguimento do orzamento da comunidade autónoma, que en concreto son as seguintes:

1. Controlar a execución dos orzamentos da comunidade autónoma.
2. Facilitar a información e transparencia sobre a execución do orzamento da Xunta de Galicia.
3. Xestionar eficazmente os expedientes modificativos de gasto promovidos polas diferentes consellerías.
4. Xestionar eficazmente os ingresos provenientes do sistema de financiamento das comunidades autónomas.
5. Impulsar a análise das repercusións económico-orzamentarias das diferentes políticas de gasto aos efectos de posibilitar a súa execución dentro do marco da política de estabilidade.
6. Impulsar a reforma da lei de réxime financeiro e orzamentario de Galicia redefinindo o ámbito dos orzamentos da comunidade, así como a súa orientación a resultados e adaptación ás leis de estabilidade orzamentaria.
7. Redefinir o Fondo de Cooperación Local facilitando a achega de recursos de forma máis eficaz e solidaria.
8. Levar a cabo todas aquelas actuacións que permitan mellorar o seguimento dos diferentes programas orzamentarios o os obxectivos neles definidos.

#### DIRECCIÓN XERAL DE POLÍTICA FINANCEIRA E TESOURO

Os obxectivos da Dirección Xeral de Política Financeira e Tesouro para o ano 2009 son:

1. Planificación do endebedamento da comunidade autónoma.
2. Lanzamento de emisións de obrigas a longo prazo.
3. Obter as mellores condicións financeiras posibles para o endebedamento do exercicio, nun ano de previsibles turbulencias nos mercados financeiros.
4. Afondar no control do endebedamento do sector público da C.A.
5. Adaptación dos procedementos derivados do exercicio da tutela financeira ás CC.LL.
6. Coordinación e xestión dos procedementos para constitución e devolución de avais por medios electrónicos.
7. Desenvolvemento da Oficina Virtual para a constitución de depósitos e garantías en metálico.
8. Presentación telemática de certificados de seguros de caución.
9. Control, supervisión e verificación do cumprimento da normativa en materia de transparencia, das caixas de aforro.

10. Comprobación das actuacións en materia da obra benéfico social das caixas de aforro.
11. Desenvolvemento da normativa reguladora en materia de mediación de seguros.
12. Posta en marcha da oficina virtual para a tramitación electrónica dos expedientes de autorización coas caixas de aforro galegas.

## DIRECCIÓN XERAL DE PLANIFICACIÓN ECONÓMICA E FONDOS COMUNITARIOS

A Dirección Xeral de Planificación Económica e Fondos Comunitarios no ano 2009 centra os seus obxectivos no desenvolvemento das liñas do MECEGA no marco dos diferentes programas operativos de Galicia 2007-2013, na súa posta en marcha conforme ás previsións establecidas nos respectivos Regulamentos comunitarios.

O novo escenario económico aconsella a revisión e actualización de obxectivos e instrumentos de política económica ao ciclo económico, aumentando así a súa eficacia. Neste contorno os obxectivos centrais son:

1. Posta en marcha de todas as disposicións de execución previstas na programación operativa dos fondos estruturais: funcionamento dos Comités de Seguimento, Guías de Seguimento e Evaluación (pendente de ser aprobadas polos Comités de Seguimento) e Plans de Comunicación e Publicidade dos programas operativos FEDER e FSE.
2. Elaboración de Manuais de Procedemento para garantir que os xestores aplican métodos e procedementos conducentes ao cumprimento da subvencionalidade dos gastos procedentes do FEDER e FSE.
3. Incrementar o grado de eficiencia na xestión dos fondos europeos poñendo a disposición dos xestores novos sistemas informáticos de xestión, seguimento e avaliación.
4. Actualizar a planificación da política económica da Xunta de Galicia, adecuando os obxectivos ao novo escenario económico e axustando os indicadores ás novas circunstancias.
5. Continuar coas tarefas de control e axuste de axudas públicas dos distintos departamentos da Xunta de Galicia ao novo Mapa de Axudas 2007-13.
6. Coordinar e actualizar a formación dos xestores mediante a realización de xornadas, cursos ou seminarios sobre o MECEGA e os Programas Operativos.
7. Mellorar a coordinación e complementariedade entre a programación dos fondos estruturais (FEDER e FSE) e os fondos sectoriais (FEADER e FEP) a través da Comisión de Coordinación de Fondos Comunitarios aprobada polo Decreto 184/2007, do 13 de setembro.



8. Coordinación, análise, elaboración de estudos e celebración de seminarios referentes á conxuntura económica e elaboración de previsións sobre o comportamento da economía galega.

## 2.2 DOS ORGANISMOS AUTÓNOMOS

### *INSTITUTO GALEGO DE ESTATÍSTICA (IGE)*

As liñas de acción previstas para o ano 2009 son as seguintes:

1. Dirixir e coordinar as actividades estatísticas no ámbito competencial da comunidade autónoma, fortalecendo especialmente a cooperación coas Consellerías para a elaboración dos proxectos técnicos das operacións que lles encomendan os programas estatísticos e para a catalogación dos rexistros administrativos de interese estatístico.
2. Elaborar as estatísticas do Programa 2009 e as que se establezan en virtude de convenios con outros organismos públicos, en particular as que se derivan do asinado co Instituto Nacional de Estadística para a realización conxunta da Enquisa de Poboación Activa en Galicia.
3. Promover a confección de normas e requisitos técnicos unitarios para a estatística pública galega, participando activamente no Foro de Estatística Rexional e nos seus grupos de traballo e coordinando o de Inventario de operacións estatísticas.
4. Fomentar a investigación estatística mediante acordos coas universidades galegas ou con outros organismos públicos e avanzar na elaboración de programas informáticos para o tratamento integrado das enquisas.

### *TRIBUNAL GALEGO DE DEFENSA DA COMPETENCIA*

As liñas de acción previstas para o ano 2009 son as seguintes:

1. Estimular a actuación de oficio do SGDC, dándolle conta da información recollida sobre condutas potencialmente anticompetitivas ou limitadoras da competencia.
2. Asumir as novas funcións da Lei 15/2007, do 3 de xullo, de Defensa da Competencia.
3. Afondar no coñecemento dos mercados galegos dende a perspectiva da competencia, realizando un mínimo de sete estudos e avaliacións.
4. Promover o coñecemento dos axentes económicos, e da cidadanía en xeral, dos beneficios da libre competencia.

5. Manter e mesmo fortalecer as relacións institucionais do TGDC, tanto no ámbito galego como noutras áreas que podan ter repercusión sobre a actividade do Tribunal, en especial cos órganos da Administración xeral do Estado e cos demais tribunais autonómicos.

## 2.3 DAS SOCIEDADES PÚBLICAS

### 2.3.1 Entes de dereito público

#### *INSTITUTO GALEGO DE PROMOCION ECONOMICA (IGAPE)*

Recentemente foi asinado entre a Xunta de Galicia, a Confederación de Empresarios de Galicia, UGT- Galicia e S.N. de CC.OO. de Galicia o Acordo pola Competitividade de Galicia 2008-2011, un instrumento de planificación que, en liña coa renovada Axenda de Lisboa e co Marco Estratéxico de Convergencia Económica de Galicia (MECEGA) 2007-2013, formula un conxunto de medidas dirixidas a favorecer a modernización e diversificación da economía galega, mellorando a competitividade do conxunto do territorio e das empresas galegas e impulsando a produtividade destas últimas. As medidas atópanse clasificadas en 5 eixes dos que o primeiro fai referencia o desenvolvemento e a modernización empresarial incluíndo unha serie de iniciativas, moitas das cales están contempladas nos orzamentos deste Instituto para 2009. Por outra banda, o escenario económico actual estase caracterizando, entre outros, pola importante presenza de restricións financeiras e dificultades para continuar co crecemento da nosa economía e do noso tecido empresarial. Os orzamentos do Instituto para 2009 teñen como principal obxectivo dar resposta a esta situación económica incrementando significativamente as capacidades do Instituto para facilitar financiamento o tecido empresarial e contemplan as medidas que, dentro do seu ámbito de actuación, sonlle aplicables dentro das definidas no Acordo pola Competitividade de Galicia 2008-2011.

Baixo este escenario o aspecto máis significativo das actividades do Instituto para 2009 vén definido por contemplar unha dotación excepcional co obxectivo de potenciar as ferramentas para o financiamento empresarial, facilitando préstamos directos ás empresas galegas coa colaboración do Banco Europeo de Inversiones (BEI), ampliando significativamente as capacidades dos instrumentos de capital risco existentes, e aplicando outros instrumentos para favorecer o acceso ao crédito como a ampliación da capacidade de otorgar avais e implantar novas liñas de apoio ao financiamento de circulante e para o refinanciamento de pasivos financeiros.

A consolidación e fortalecemento dun amplo programa de apoio a internacionalización das pemes galegas e outra das apostas do Instituto no ano 2009 para contribuír a dinamizar a economía galega.

Así mesmo, e tamén en liña co contido do Acordo pola Competitividade de Galicia 2008-2011, os orzamentos do Instituto para 2009 contemplan outra serie de medidas co obxectivo de incidir no desenvolvemento económico de Galicia mediante o fomento da competitividade e a produtividade e o impulso da participación e cooperación entre os axentes económicos galegos.

No ámbito das ferramentas para o financiamento empresarial, é de destacar a previsión de captar fondos do BEI por importe de 200 millóns de euros que serán destinados á concesión de préstamos para proxectos de investimento empresarial en favorables condicións de prezo e prazo de reembolso e a implantar novas liñas de cobertura de riscos que permitan aumentar as disponibilidades de crédito das empresas. As disponibilidades dos instrumentos de capital risco serán tamén reforzadas significativamente e o incremento no límite de concesión de avais ata un risco máximo de 500 millóns de euros, en lugar dos 300 millóns vixentes en 2008, son medidas que tamén contribuirán ás necesidades de financiamento das empresas e a apoiar as iniciativas empresariais. Así mesmo, a cooperación coas sociedades de garantía recíproca e as entidades de crédito buscará tamén apoiar o financiamento empresarial nas súas necesidades de circulante e de investimento, incluíndo entre outras, a cooperación co Instituto de Crédito Oficial para potenciar a canalización a Galicia dos recursos financeiros deste instrumento. Favorecer o financiamento empresarial con enfoques de riscos compartidos será en resumo a principal dirección destas medidas de ampliación das capacidades de crédito e de concesión de avais ante entidades financeiras, respostando así ás dificultades de financiamento do tecido empresarial. Estas medidas estarán acompañadas tamén por liñas de incentivos económicos como subvencións para novos proxectos empresariais, que aínda que non experimenten ese incremento tan significativo como o dos apoios en forma de axudas reembolsables tamén manterán unha significativa contribución de recursos e con crecementos respecto ao ano anterior, elevándose, por exemplo de 40 a 45 millóns de euros a principal liña de axudas aos investimentos empresariais máis significativos.

No ámbito da internacionalización está previsto, entre outros, afondar na implantación e posta a disposición das pemes galegas dun amplo conxunto de servizos e incentivos económicos para a internacionalización das empresas. A recente publicación en maio de 2008 dunhas novas bases reguladoras de axudas para a internacionalización terá unha ampla cobertura nos orzamentos de 2009, incrementándose de 5,7 a 11,5 millóns de euros o orzamento anual destinado o fomento da presenza no exterior das empresas galegas. Ás diferentes modalidades de axudas contempladas nas citadas bases súmanselle un conxunto de servizos de información especializada, de servizos directos nos principais mercados internacionais e iniciativas para a especialización de recursos humanos en comercio exterior. A cooperación con outras institucións estatais e internacionais neste ámbito tamén é outra liña de acción a potenciar. Trátase, tal como se contempla tamén no Acordo pola Competitividade de Galicia, dunha clara aposta pola a internacionalización coma un factor de competitividade imprescindible na conxuntura actual e que debe proporcionar unha vía de crecemento para a nosa economía e as nosas empresas.

Fomentar o espírito emprendedor, apoiar a modernización do tecido empresarial e impulsar a participación e a cooperación entre os axentes económicos galegos son outras das medidas contempladas no Acordo pola Competividade de Galicia 2008-2011 para as que os Orzamentos do IGAPE inclúen tamén unha importante dotación con iniciativas que abranguen desde accións de sensibilización e clima xeral, pasando por programas de divulgación e fomento do espírito emprendedor con especial incidencia no ámbito educativo a través de BIC GALICIA, entidade dependente do IGAPE, ata programas de apoio financeiro para emprendedores, para o desenvolvemento tecnolóxico das pemes ou para proxectos de carácter cooperativo a través de agrupacións de carácter sectorial ou multisectorial de carácter innovador.

En resumo, os orzamentos do Instituto tratan dun xeito ambicioso de dar resposta a unha situación difícil para o tecido empresarial, alcanzando unha dimensión que duplica os recursos presupostados en 2008, e incorporando como unha das principais fontes de financiamento do orzamento o endebedamento co Banco Europeo de Inversiones, profundando así na cooperación con outras institucións da Unión Europea que permitan captar para Galicia recursos financeiros adicionais.

Para acadar estes obxectivos os orzamentos de 2009 estrutúranse en torno a sete eixes de actuación definidos no plan de actividades do Instituto 2007-2009 e que son:

#### **Eixe 1: Emprendedores**

O espírito emprendedor é un indicador de dinamismo e progreso dunha economía. Apoiar o nacemento e crecemento do tecido empresarial é pois un obxectivo no que o Instituto pretende afondar cun conxunto de accións que por un lado sigan sensibilizando á sociedade da importancia dos emprendedores e por outra lles faciliten superar as principais barreiras, entre as que se atopa o acceso ao crédito, para a implantación dos seus proxectos.

A potenciación dos instrumentos de sensibilización e difusión, incluíndo actos como o Día Galego do Emprendedor, máis outras accións de apoio para a extensión da cultura emprendedora, incluíndo o ámbito educativo, forman parte deste eixe que se completa con servizos gratuítos de formación e acompañamento a potenciais emprendedores prestados por Bic Galicia e con apoios de tipo financeiro para facilitar e mellorar o acceso ao financiamento dos proxectos emprendedores (convenios con axentes financeiros, subvencións e préstamos directos do Instituto, achegas a fondos de capital risco e convenios de microcréditos, entre outros).

Como parte das medidas de fomento do investimento empresarial e ampliación das ferramentas de financiamento empresarial inclúese neste eixe unha importante previsión de fortalecemento de Emprede Fondo de Capital Risco maioritariamente participado polo IGAPE, cunha achega de 11 millóns de euros que debe contribuír a prover financiamento a novos proxectos emprendedores en Galicia e paliar en parte un escenario de dificultades para o acceso ao crédito para os novos emprendedores.

Son de destacar tamén as accións previstas no ámbito do fomento das redes de investidores máis o portal do emprendemento en Galicia e a rede estendida do emprendedor, espazos colaborativos e de cooperación que pretenden complementar as medidas indicadas anteriormente.

### **Eixe 2: Investimento empresarial**

O eixe de investimento empresarial, que está orientado á prestación de apoios para facilitar a implantación dos proxectos empresariais de maior impacto no tecido produtivo e na xeración de emprego de calidade en Galicia, adquire nos orzamentos de 2009 unha dimensión excepcional con respecto a anos anteriores. Ante un escenario de restricións crediticias e dificultades para o crecemento, este eixe dos orzamentos pretende contribuír mediante un forte impulso das ferramentas públicas de financiamento empresarial a paliar as dificultades existentes e a facilitar aos proxectos viables a súa consolidación e crecemento. Así, ademais de manter as liñas de incentivos económicos en forma de axudas a fondo perdido a proxectos de investimento empresarial, seguindo coa aplicación dos fondos estruturais do novo período marco de programación comunitaria 2007-2013, en 2009 o Instituto ten previsto incrementar de xeito moi relevante outras ferramentas de apoio para o financiamento empresarial, en particular os investimentos nas entidades de capital risco (SODIGA e o Fondo de Capital Risco Adiante) e a concesión de préstamos directos a empresas mediante a cooperación co Banco Europeo de Inversiones. Case 31 millóns de euros destinados ás entidades de capital risco e 150 millóns para un programa de préstamos directos a empresas son os importes que fan medrar de xeito tan significativo os gastos presupostados neste eixe, con respecto ao ano anterior. Esta última medida contempla obter do BEI os fondos que se dedicarán á concesión de préstamos a pemes, que acadarán un importe de 200 millóns de euros ao engadirse novos instrumentos de cobertura de riscos que se implantarán en colaboración coa citada entidade, afondando así na cooperación con esta entidade pública iniciada recentemente, e que da un novo impulso ás medidas baseadas en enfoques de riscos compartidos en detrimento das axudas a fondo perdido. A ampliación contemplada no proxecto da Lei de Orzamentos do límite de concesión de avais polo Instituto ata un risco máximo de 500 millóns de euros mais o impulso a liñas de financiamento de circulante e de reestructuración de pasivos complementan a batería de medidas neste ámbito.

Ademais dos importantes recursos financeiros dedicados polo Instituto a este eixe, as medidas de impulso dos investimentos empresariais se complementan coa coordinación e acompañamento ás empresas nos apoios ofrecidos polo Ministerio de Economía, a través da liña de incentivos económicos rexionais, e outras liñas como as de reindustrialización do Ministerio de Industria que acompañarán as actuacións do Plan de Desenvolvemento Integral das comarcas de Ferrol, Eume e Ortegal.

Nesta liña contéplase unha dotación específica de 6 millóns de euros para proxectos de desenvolvemento nas comarcas citadas, para esta liña de actuación iniciada en 2006, e que este ano

tamén contempla a posibilidade de promover infraestruturas físicas para prover espazos para a implantación nas comarcas de empresas de servizos avanzados.

Os concellos incluídos nos ámbitos de plans territoriais como o Plan de Reequilibrio Territorial ou o Plan da Costa da Morte tamén están contemplados nas bases reguladoras das axudas con incentivos adicionais para os proxectos de investimento empresarial destinados a ditos territorios.

### **Eixe 3: Internacionalización**

En liña co Acordo pola Competitividade de Galicia, a importancia do fomento da internacionalización fai que este eixe se veña consolidando dende hai uns anos como un dos eixes prioritarios das actividades do Instituto, e que se converta en 2009 en un dos que experimenta un maior crecemento en termos de recursos financeiros respecto ao ano anterior intentando impulsar este factor como unha das respostas á conxuntura económica actual.

A publicación en maio 2008 dunhas novas bases reguladoras de axudas para a internacionalización das empresas galegas vén de completar un amplo programa de apoios e servizos neste eido, provocando a subida do orzamento total deste eixe de 5,7 millóns de euros en 2008 a 11,5 millóns en 2009. Este eixe contempla mais de 5 millóns de euros para as subvencións derivadas das novas bases de axudas mencionadas anteriormente, e algo máis de 3 millóns de euros destinados á promoción exterior de bens, servizos e investimentos, a iniciativas de mellora do capital humano no ámbito da internacionalización e ás actividades de potenciación das redes de empresarios galegos no exterior, incluíndo por exemplo a celebración en xaneiro 2009 en Santiago de Compostela dun novo encontro de empresarios e profesionais galegos en rede de 5 días de duración. O resto do orzamento dedicárase aos centros de promoción de negocios do Instituto no exterior e ás accións para atracción e retención de investimentos estranxeiros, incorporando accións específicas para a fidelización de novos investimentos.

### **Eixe 4: Mellora da competitividade**

Ademais da contribución que os eixes anteriores pretenden facer para mellorar a competitividade do tecido empresarial, os orzamentos contemplan un eixe con accións específicas neste eido, principalmente subvencións ao abeiro dos diferentes programas existentes para incentivar melloras na xestión empresarial mediante a consultoría de procesos e implantación de ferramentas de xestión e cadros de mando, entre outros. Entre as novas liñas pódese salientar que se contemplan neste eixe incentivos para as empresas galegas para incentivar o seu acceso ao Mercado Alternativo Bursatil, facilitándolles a

realización das análises e procesos previos preparatorios como unha oportunidade máis de mellorar as súas capacidades financeiras.

Estas accións complementáanse con outros incentivos económicos ao abeiro de programas coxestionados coa Administración Central (Programa Innoempresa), que segue a acoller nas sucesivas convocatorias realizadas no 2007 e 2008 un elevado número de solicitudes por parte das pemes e de institucións asociativas das mesmas nos ámbitos de innovación organizativa, innovación tecnolóxica, e a realización de diagnósticos e plans de mellora, entre outros.

Por último contémplanse tamén neste eixe iniciativas de colaboración con entidades galegas sen fin de lucro para o artellamento de iniciativas singulares de apoio á innovación nas empresas galegas.

### **Eixe 5: Cooperación**

Impulsar a participación e a cooperación entre os axentes económicos galegos e outra das medidas sinaladas no Acordo pola Competitividade de Galicia 2008-2011 para contribuír ao desenvolvemento e á modernización empresarial, e que o Instituto vén tendo presente especialmente nos últimos anos. Deste xeito contribuír a que tódolos axentes e organismos de Galicia colaboren de maneira coordinada para mellorar o tecido empresarial e situar a Galicia como unha rexión atractiva para investir e traballar é o principal obxectivo deste eixe nos plans de actuación do Instituto, que ten como principais destinatarios os clústers e organismos intermedios.

Tamén inclúense neste eixe as múltiples iniciativas de colaboración que se levan realizando mediante actuacións coordinadas cos axentes financeiros situados en Galicia, tanto de carácter público como o ICO, como de carácter privado como as entidades financeiras implantadas en Galicia, no ámbito de favorecer o acceso ao financiamento das pemes en xeral ou de sectores particulares do tecido produtivo en colaboración cos departamentos competentes da Xunta de Galicia como Medio Rural e Pesca, entre outros.

Baixo este enfoque de cooperación e coordinación entre axentes inclúense medidas como os incentivos económicos a agrupacións empresariais innovadoras (AEIs) para o desenvolvemento de polos de crecemento e innovación. Inclúense deste xeito apoios para a elaboración de plans estratéxicos sectoriais ou multisectoriais, a nivel de cadeas de valor, para a implementación dos propios plans. Baixo este eixe contéplase tamén a creación de redes e foros de intercambio e colaboración no ámbito da innovación e a excelencia empresarial.

### **Eixe 6: Proxectos Igape proactivo**

Baixo este eixe inclúense accións que teñen como denominador común mellorar a atención integral do Instituto aos empresarios e emprendedores, tomando a iniciativa no desenvolvemento de proxectos como a administración electrónica ou o desenvolvemento de portelos multicanle de atención integral a proxectos empresariais, ou fomentando a participación en proxectos e iniciativas convocadas pola Unión Europea. A formulación de actividades formativas para os recursos humanos do Instituto pretende fortalecer as capacidades de prestación deste tipo de servizos e a concienciación en xeral de avanzar nas ferramentas de coñecemento.

### **Eixe 7: Actividades soporte**

Baixo este eixe inclúense as diferentes actividades de información e difusión dos servizos e apoios do instituto e os gastos xerais de funcionamento do Instituto.

## *CONSELLO ECONOMICO E SOCIAL DE GALICIA*

As liñas de acción para o exercizo económico 2009 son atender plenamente as súas actividades, tales como:

1. Ditames de solicitude preceptiva de anteprojectos de lei, proxectos de decretos legislativos, plans xerais e sectoriais que regulen materias socioeconómicas directamente vinculadas ao desenvolvemento económico e social de Galicia, de anteprojectos de lei ou proxectos de disposicións administrativas que afecten á organización, ás competencias ou funcionamento do Consello, e de anteprojectos ou proxectos relativos a materias que por precepto expreso dunha lei teñan que serlle consultadas ao Consello.
2. Ditames facultativos, solicitados polo Consello da Xunta ou polas consellerías.
3. Informes ou estudos por solicitude da Xunta de Galicia sobre as reformas de normativa vixente e sobre a elaboración de plans e programas que afecten ao desenvolvemento económico e social.
4. Informes ou estudos por propia iniciativa (sobre as reformas da normativa vixente e a elaboración dos plans e programas así como a execución destes co obxectivo de mellorar o desenvolvemento económico e social da Comunidade, e sobre as repercusións e adaptacións que as novas tecnoloxías imponían no sistema económico e social galego).
5. Memoria anual sobre a situación económica e social de Galicia e sobre as recomendacións ou orientacións, se é o caso, acerca da política orzamentaria.



*CENTRO INFORMÁTICO PARA A XESTIÓN TRIBUTARIA, ECONÓMICO-FINANCIERA E CONTABLE*

A Consellería de Economía e Facenda implantará no ano 2009 novas aplicacións informáticas tendentes a lograr unha maior eficacia e unha importante axilización de distintos procedementos administrativos.

Tratase de seguir achegando a Administración da Xunta de Galicia ao cidadán e levar a cabo así mesmo a integración dos diferentes Sistemas de Información co obxecto de reducir tempos e custos na tramitación administrativa.

Algunhas das actuacións mais relevantes no ámbito das novas tecnoloxías que se poñerán en marcha o vindeiro ano e que citamos por singulares son :

1. Inicio da integración contable en tempo real de Entes, Sociedades , Axencias e Fundacións no Sistema de Información Contable Xumco2 coa posta en marcha de tres deles o 1 de xaneiro do ano 2009.
2. Posta en marcha dun Xestor de Expedientes de Contratación a disposición de todas as Consellerías da Xunta de Galicia e os Organismos dependentes dela independente da súa natureza xurídica.
3. Implantación dun Sistema Informático para a licitación electrónica que permitira a tramitación vía internet de todos os procedementos relativos as distintas modalidades de licitación .
4. Portal do Cartafol Electrónico do Cidadán no que se recolleran un conxunto de aplicacións informáticas permitindo unha relación mais áxil e dinámica do cidadán coa administración a través de internet Dende este portal poderase así mesmo acceder de maneira centralizada a todos os tramites e consultas de expedientes relativos a Consellería de Economía e Facenda.
5. E por ultimo e relativo o novo Sistema de Información de Recursos Humanos realizarase unha importante integración dos procedementos interconectando os distintos xestores dos mesmos (Orzamentos, Función Pública, Intervencións e Habilitacións ) nunha única base de datos e sistema informático co obxecto de racionalizar os mesmos e ademais constituír un único expediente administrativo nunha base de datos documental .

### 2.3.2 Sociedades mercantís

#### *SOCIEDADE PÚBLICA DE INVESTIMENTOS DE GALICIA (SPI)*

A sociedade plantéxase a realización na anualidade 2009 de actuacións correspondentes as infraestruturas en curso encargadas por diversos departamentos da Xunta de Galicia, así como o inicio de novos proxectos de investimento entre os que destacan, o inicio da construción de dúas instalacións hospitalarias para o Servizo Galego de Saúde. En conxunto, a sociedade ten previsto executar investimento no ano 2009 por importe de máis de 104 millóns de euros.

#### *AUTOESTRADA ALTO DE SANTO DOMINGO-OURENSE, S.A (ACEOUSA)*

A Autoestrada Alto de Santo Domingo-Ourense, S.A. ten por obxectivos no ano 2009 os seguintes :

1. Finalización da construción da Autoestrada:  
Treito enlace de Cea –A –52 (1º Trimestre 2009)  
Ramal a Carballiño e enlace de Maside ( 4º Trimestre 2009)
2. Conservación e explotación do tramo postos xa en servizo nos anos 2007 e 2008 .
3. Obter maior rendibilidade polo uso da Autoestrada (Incremento Tráfico )

#### *CENTRO EUROPEO DE EMPRESAS E INNOVACIÓN DE GALICIA (CEEI GALICIA, S.A)*

A sociedade facilita ás empresas servizos de asesoramento, planificación, xestión, financiamento, formación, localización, seguimento e, en xeral, calquera outro que poida contribuír á creación e desenvolvemento delas. Así mesmo, a sociedade desenvolverá unha actividade xeral de promoción dos valores empresariais no seu entorno, encamiñada a incentivar o nacemento de novos proxectos empresariais.

Así, desde a súa constitución, e como instrumento de desenvolvemento impulsa e apoia a creación, consolidación e expansión de empresas a través de catro liñas prioritarias de actuación:

1. Servizos a emprendedores e de Creación de empresas.

2. Mellora competitiva de empresas.
3. Promoción de novas empresas nos sectores estratéxicos de Galicia.
4. Participación en Redes de Cooperación.

Os principais eixes e as directrices sobre as que se asenta a activade de C.E.E.I. GALICIA para o exercizo 2009 son:

**- Eixo I. Emprendedores.**

Dinamizar, difundir e inculcar o espírito emprendedor, coa potenciación da creación de empresas en Galicia especialmente receptivas á alternativa emprendedora.

**- Eixo II. Consolidación.**

Incrementar tanto o tamaño medio das pemes e micropemes, como o tempo de duración das mesmas; así como facilitando a participación en redes de cooperación e proxectos que favorezan a expansión das Pemes, facilitando o acceso a novos mercados.

**- Eixo III. Innovación.**

Incrementar a capacidade de innovación das empresas galegas mediante a utilización de diversas ferramentas e metodoloxías como favorecendo a creación de empresas innovadoras no tecido galego.

*SOCIEDADE PARA O DESENVOLVEMENTO INDUSTRIAL DE GALICIA (SODIGA)*

Para o ano 2009 prevese ampliar capital por importe de 16.476 miles de euros.

Está previsto que o Consello de Administración de Sodiga aprobe a participación en 5 proxectos de investimento por un montante de 40.000 miles de euros. A sociedade centrará a súa actividade nos sectores prioritarios de : Renovables, Biotecnoloxía, Transformados da pesca, Sector da madeira –mobs e Sector transporte marítimo.

*XES GALICIA*

Establecese como obxectivo no exercizo 2009 a aprobación polo Consello de Xesgalicia dun total de 37 proxectos de investimento, por un importe global de 76.200 miles de euros entre participacións en capital e empréstitos, repartidos do seguinte xeito:

|                    | <u>Nº proxectos</u> | <u>miles de euros</u> |
|--------------------|---------------------|-----------------------|
| Sodiga             | 5                   | 40.000                |
| Fondo Emprende     | 12                  | 15.000                |
| Fondo Adiante 2000 | 9                   | 14.000                |
| Fondo Semente      | 4                   | 1.000                 |
| Ferrolterra        | 4                   | 5.000                 |
| Capacita           | 3                   | 1.200                 |
|                    | <hr/>               | <hr/>                 |
|                    | 37                  | 76.200                |

---

### 3. ORZAMENTO DE GASTOS PARA O ANO 2009

---

#### 3.1 DISTRIBUCIÓN FUNCIONAL. PROGRAMAS DE GASTO

##### 3.1.1 Da Consellería

#### PROGRAMA 611A. DIRECCIÓN E SERVIZOS XERAIS DE ECONOMÍA E FACENDA

##### 1. Descrición

A finalidade deste programa é, con carácter xeral, atender a xestionar os gastos de persoal e de funcionamento dos servizos centrais da Consellería de Economía e Facenda.

Coordinar os servizos centrais tanto no que respecta a medios humanos coma aos materiais e de organización, actuando de soporte básico para a execución do resto dos programas da consellería, coa finalidade de acadar maiores cotas de efectividade e racionalidade administrativa.

##### 2. Actividades

1. Xestión económica e seguimento da execución orzamentaria dos diferentes servizos da consellería.
2. Implantación da licitación electrónica.
3. Xestión de asistencias técnicas, convenios e outros servizos para apoios a diversas actividades da consellería.
4. Xestión das transferencias correntes e de capital ao Centro Informático para a Xestión Tributaria, Económico-Financeira e Contable, para o seu financiamento. Polo que respecta ao CIXTEC o detalle

dos obxectivos e principais actuacións a desenvolver en 2009 está especificado na memoria e nos estados financeiros elaborados polo citado organismo.

5. Xestión de recursos humanos da Consellería de Economía.
6. Coordinar as medidas do Plan de Racionalización do sector público de Galicia (anualidade 2009).
7. Emitir informes e ditames dirixidos ao sector público en materia de contratación administrativa no ámbito da Comunidade Autónoma de Galicia.

### **3. Órgano encargado da súa execución**

Secretaría Xeral e do Patrimonio

## **PROGRAMA 611B. FORMACIÓN DO PERSOAL DE ECONOMÍA E FACENDA**

### **1. Descrición**

Celebración de cursos, apoio ao desenvolvemento de xornadas, organización de seminarios e conferencias, co obxecto do fomento da formación continua e a especialización do persoal da consellería.

### **2. Actividades**

1. Plan de formación 2009.
2. Cursiños: formación continua do persoal.

### **3. Órgano encargado da súa execución**

Secretaría Xeral e do Patrimonio

## **PROGRAMA 612A. PLANIFICACIÓN, ORZAMENTACIÓN E COORDINACIÓN ECONÓMICA**

### **1. Descrición**

1. Planificación económica, coordinación de investimentos e fondos comunitarios.
2. Elaboración e seguimento da execución dos orzamentos da comunidade autónoma.

### **2. Actividades**

1. Realización de previsión económica a curto e medio prazo.

2. Planificación e seguimento da política económica da Xunta de Galicia, incluída a instrumentación de mecanismos de obtención e xeración de indicadores.
3. Coordinación, análise, elaboración de estudos e celebración de seminarios referentes á conxuntura económica e elaboración de previsións sobre o comportamento da economía galega.
4. A análise dos plans sectoriais e dos orzamentos das administracións públicas en relación coa programación económica da Xunta de Galicia.
5. A realización, coordinación e análise de estudos referentes á conxuntura económica e á elaboración de previsións sobre o comportamento da economía galega.
6. O estudo, coordinación e elaboración de propostas de aplicación da política rexional comunitaria e dos fondos estruturais e de cohesión.
7. Formulación de instrucións para a programación anual dos proxectos de investimentos da Xunta de Galicia que configuran o Fondo de Compensación Interterritorial (FCI), Fondos Estruturais, Fondo de cohesión e Iniciativas comunitarias da UE.
8. Seguimento do réxime de axudas e avaliación de programas operativos 2007-2013 (FEDER e FSE) e do impacto económico a medio prazo das políticas comunitarias nacionais e rexionais. Verificación de operacións cofinanciadas con fondos europeos (Regulamento CE 1083/2006).
9. Coordinación, seguimento e reembolso das actuacións anteriores a 2009 e das axudas comunitarias previstas no orzamento 2009.
10. Coordinación, seguimento e reembolso das actuacións anteriores a 2009, de fondos comunitarios e FCI. A emisión periódica de informes sobre a súa xestión.
11. A coordinación e elaboración dos informes e propostas relativas ás inspeccións técnicas e financeiras que realicen as autoridades comunitarias, referidas aos ditos fondos.
12. Coordinación e impulso de actuacións da administración autonómica en materias relacionadas coas políticas rexionais e sectoriais da UE.
13. Seguimento do impacto económico a medio prazo das políticas comunitarias nacionais e rexionais.
14. Coordinación de actuacións tendentes ás demandas de información das inspeccións técnicas e financeiras comunitarias.
15. Publicar e difundir instrucións para a programación anual dos proxectos de investimentos da Xunta de Galicia do FCI, FEDER e FSE, así como os procedementos para reembolsos dos créditos provenientes dos ditos fondos.
16. Mellorar a coordinación e complementariedade entre a programación dos fondos estruturais

(FEDER e FSE) a través da Comisión de Coordinación de Fondos Comunitarios aprobada polo Decreto 184/2007, do 13 de setembro.

17. Participación nos comités de seguimento Europeos e de Investimentos Públicos.
18. Xestionar as achegas correntes e de capital ao CES para o seu financiamento.
19. Difusión de temas relacionados coa economía de Galicia nos distintos medios de comunicación.
20. A coordinación administrativa e o seguimento do cumprimento dos acordos da Comisión Delegada da Xunta para Asuntos Económicos e, en particular, dos contratos-programa aprobados pola dita Comisión.
21. Elaboración dos Orzamentos e da lei Orzamentaria.
22. Seguimento da execución dos programas de gasto orzamentados e do equilibrio orzamentario.
23. Control dos expedientes de modificación de créditos.
24. Seguimento das medidas de austeridade e racionalización do gasto público incluídas neste orzamento.
25. Seguimento do gasto sanitario.
26. Asistencia sectorial ás consellerías no marco do desenvolvemento do Pacto Local.
27. Seguimento de actuacións de política económica da administración autonómica: Plan de Reequilibrio Territorial de Galicia 2007-2010.
28. As relacións técnicas de cooperación e seguimento dos traballos do Consello Económico e Social de Galicia e doutros organismos públicos.
29. Reforma da Lei de réxime financeiro e orzamentario.

### **3. Órganos encargados da súa execución**

Secretaría Xeral e do Patrimonio

Dirección Xeral de Planificación Económica e Fondos Comunitarios

Dirección Xeral de Orzamentos

## PROGRAMA 621A. ADMINISTRACIÓN FINANCEIRA, TRIBUTARIA, PATRIMONIAL E DE CONTROL

### 1. Descrición

1. Seguimento da reforma do modelo de financiamento autonómico.
2. Control financeiro do gasto.
3. Ordenación de pagamentos e xestión de cobros.
4. Planificación do endebedamento da CA.
5. Control da xestión dos tributos propios.
6. Coordinación e xestión da contabilidade presupostaria financeira e patrimonial da comunidade autónoma.
7. Control interno da actividade económico-financeira.
8. Xestión patrimonial
9. Desenvolvemento normativo e execución en materia de mediación de seguros.
10. Tutela financeira sobre corporacións locais galegas.
11. Supervisión de caixas de aforro e outras entidades financeiras.

### 2. Actividades

1. Realización de auditorías operativas e de contas, segundo o establecido no Plan de Control Financeiro 2009, e análise das mesmas.
2. Control financeiro no SERGAS.
3. Elaboración de regulamentos de control financeiro
4. Análise e deseño da política global de ingresos públicos, e elaboración da súa normativa no relativo aos tributos cedidos polo Estado á Comunidade Autónoma e aos tributos propios e prezos que esta estableza.
5. Accións de mellora na xestión, inspección e recadación dos mesmos.
6. Impulso da Oficina Virtual Tributaria e Financeira.
7. O impulso e a coordinación das relacións de colaboración que, en materia tributaria, se poidan establecer con outras administracións públicas.
8. Apoio ás actuacións da Xunta Superior de Facenda.



9. Programa de pagarés a curto prazo.
10. Elaboración e execución do “Plan de auditorías” e do “Plan de control financeiro do exercizo 2009”.
11. Mantemento edificios delegacións territoriais.
12. Execución do “Plan de espazos en edificios administrativos” da Xunta de Galicia: inicio da construción do edificio administrativo de Salgueiriños.
13. Optimización da xestión dos bens da comunidade autónoma coa posta en valor daquel patrimonio inmobiliario non afecto a usos ou servizos públicos.
14. Elaboración da estratexia e do programa anual de endebedamento da Comunidade Autónoma.
15. Recorrer aos mercados de capitais co lanzamento de novas emisións de obrigas.
16. Implantación da tramitación telemática dos expedientes de autorizacións das caixas de aforro.

### **3. Órganos encargados da súa execución**

Secretaría Xeral e do Patrimonio  
Intervención Xeral da Comunidade Autónoma  
Dirección Xeral de Tributos  
Dirección Xeral de Política Financeira e Tesouro

## **PROGRAMA 741A. APOIO Á MODERNIZACIÓN, INTERNACIONALIZACIÓN E MELLORA DA COMPETITIVIDADE, INNOVACIÓN E PRODUTIVIDADE EMPRESARIAL**

### **1. Descrición**

Este programa ten como finalidade o desenvolvemento das accións encamiñadas ao fomento da competitividade e produtividade co obxectivo de incidir no desenvolvemento económico de Galicia, o impulso á cooperación e participación entre os axentes económicos galegos, o fomento ao investimento empresarial e á internacionalización da economía galega mediante achegas patrimoniais en forma de activos financeiros e o financiamento da Consellería de Economía e Facenda ao ente de dereito público Instituto Galego de Promoción Económica para o cumprimento das súas finalidades, de acordo co establecido na Lei 5/1992, do 10 de xuño, de creación do citado ente.

## **2. Actividades**

Xestión de transferencias correntes e de capital ao Instituto Galego de Promoción Económica como financiamento dos eixes seguintes: emprendedores, investimento empresarial, internacionalización, mellora da competitividade e competitividade, proxecto Igape proactivo, Plan costa da morte, Plan de desenvolvemento integral das comarcas de Ferrol, Eume e Ortegal, Plan de reequilibrio territorial, actividade de soporte, investimento empresarial e dinamización do tecido produtivo. Na memoria e nos estados financeiros elaborados polo Instituto Galego de Promoción Económica detállanse os obxectivos e principais actuacións a desenvolver en 2009.

## **3. Órgano encargado da súa execución**

Secretaría Xeral e do Patrimonio

# **PROGRAMA 741B. FOMENTO DO INVESTIMENTO EN CAPITAL HUMANO**

## **1. Descrición**

Este programa dirixirase a dotar ao Instituto Galego de Promoción Económica de recursos correntes suficientes co fin de que promova a consecución de emprego estable e de calidade.

## **2. Actividades**

Transferencias correntes ao IGAPE para apoio dos proxectos de mellora de capital humano e programas de formación e emprego recollidos basicamente no eixo de emprendedores do organismo, tal e como consta na memoria e nos estados financeiros elaborados polo Instituto Galego de Promoción Económica.

## **3. Órgano encargado da súa execución**

Secretaría Xeral e do Patrimonio

# **PROGRAMA 581A. ELABORACIÓN E DIFUSIÓN ESTATÍSTICA**

## **1. Descrición**

Inclúese neste programa o financiamento que a Consellería de Economía e Facenda proporciona ao Instituto Galego de Estatística (IGE) creado pola Lei 9/1988, do 19 de xullo, como organismo autónomo de carácter administrativo, para o cumprimento das súas finalidades, así como a realización das operacións estatísticas da propia Consellería de Economía dentro do “Programa Estatístico 2009”.

## **2. Actividades**

1. Xestión das transferencias correntes e de capital ao Instituto Galego de Estatística, para o seu financiamento. Polo que respecta ao IGE o detalle dos obxectivos e principais actuacións a desenvolver en 2009 está especificado na memoria e nos estados financeiros elaborados polo citado instituto.
2. Realización das operacións estatísticas que lle corresponden á Consellería de Economía e Facenda no “Programa Estatístico 2009”.
3. Continuación da actividade estatística: “Observatorio Fiscal de Economía Galega”.
4. Difundir e publicar informes e estudos de contido estatístico sobre materias de competencia da Consellería de Economía e Facenda.

## **3. Órgano encargado da súa execución**

Secretaría Xeral e do Patrimonio

## **PROGRAMA 613A. DEFENSA DA COMPETENCIA**

### **1. Descrición**

Inclúese neste programa o financiamento que a Consellería de Economía e Facenda proporciona ao Tribunal galego de defensa da competencia, creado pola Lei 6/2004, do 12 de xullo, como organismo autónomo de carácter administrativo, para o cumprimento das súas finalidades.

### **2. Actividades**

Xestión das transferencias correntes e de capital ao Tribunal galego de defensa da competencia para o seu financiamento. O detalle dos obxectivos e principais actuacións a desenvolver en 2009 está especificado na memoria e nos estados financeiros elaborados polo citado organismo.

### **3. Órgano encargado da súa execución**

Secretaría Xeral e do Patrimonio

### 3.1.2 Dos organismos autónomos

## INSTITUTO GALEGO DE ESTATÍSTICA

### PROGRAMA 581A. ELABORACIÓN E DIFUSIÓN ESTATÍSTICA

#### 1. Descripción

Inclúese neste programa a dirección e coordinación das actividades estatísticas no ámbito competencial da Comunidade Autónoma que leva a cabo o Instituto Galego de Estatística (IGE), creado pola Lei 9/1988, do 19 de xullo, como organismo autónomo de carácter administrativo, para o cumprimento das súas finalidades.

#### 2. Actividades

1. Dirixir e coordinar as actividades estatísticas no ámbito competencial da comunidade autónoma.
2. Elaborar as estatísticas que se establezan no Plan galego de estatística e no Programa estatístico 2009, así como calquera outras que lle poidan encomendar ou que se establezan en virtude dos convenios con outros organismos públicos.
3. Promover a confección de normas e requisitos técnicos unitarios para a estatística pública galega.
4. Fomentar a investigación estatística.

#### 3. Órgano encargado da súa execución

Instituto Galego de Estatística

## TRIBUNAL GALEGO DE DEFENSA DA COMPETENCIA

### PROGRAMA 613A. DEFENSA DA COMPETENCIA

#### 1. Descripción

Inclúense neste programa as actividades que leva a cabo o Tribunal galego de defensa da competencia, creado pola Lei 6/2004, do 12 de xullo, como organismo autónomo de carácter administrativo, para o cumprimento das súas finalidades.

## **2. Actividades**

1. Resolver os expedientes relativos á conduta dos operadores económicos que teñan entrada no Tribunal.
2. Elaborar os informes ou ditames que lle sexan requiridos, ó abeiro do disposto na Lei 6/2004, do 12 de xullo, reguladora dos órganos de defensa da competencia da Comunidade Autónoma.
3. Elaborar e promover estudos sobre a situación da competencia en Galicia e sobre as posibilidades de mellora dos niveis de competencia efectiva na Comunidade Autónoma de Galicia.
4. Elaborar folletos informativos e publicacións destinadas a dar a coñecer os valores da competencia na Comunidade Autónoma de Galicia.
5. Organizar xornadas e, en xeral, cantas actividades contribúan á difusión dos valores da competencia na Comunidade Autónoma de Galicia.
6. Participar nos actos e iniciativas que se organicen por outras entidades ou organismos de defensa da competencia nacionais ou internacionais, colaborando nas súas actividades.
7. Elaborar a memoria anual e o informe sobre a situación da competencia e remitilos ó Parlamento.

## **3. Órganos encargados da súa execución**

Tribunal Galego de Defensa da Competencia

#### 4. CADROS NUMÉRICOS

##### Orzamento consolidado. Distribución dos créditos por programas e servizos

| Programas   | Servizos         |                |                |                |                |                |                |              | Total            |
|---|------------------|----------------|----------------|----------------|----------------|----------------|----------------|--------------|------------------|
|   | 01               | 02             | 03             | 04             | 05             | 06             | 80             | 81           |                  |
| 581A-Elaboración e difusión estatística   | 65,0             |                |                |                |                |                | 5.195,7        |              | 5.260,7          |
| 611A-Dirección e servizos xerais de economía e facenda  | 22.142,3         |                |                |                |                |                |                |              | 22.142,3         |
| 611B-Formación do persoal de economía e facenda   | 40,0             |                |                |                |                |                |                |              | 40,0             |
| 612A-Planificación, elaboración de orzamentos e coordinación económica  | 2.642,5          |                |                | 1.459,9        |                | 4.246,8        |                |              | 8.349,2          |
| 613A-Defensa da competencia   |                  |                |                |                |                |                |                | 897,9        | 897,9            |
| 621A-Administración financeira, tributaria, patrimonial e de control  | 13.470,9         | 8.993,7        | 3.305,0        |                | 1.672,3        |                |                |              | 27.441,9         |
| 741A-Apoio á modernización, internacionalización e mellora da competitividade, innovación e produtividade empresarial | 113.847,5        |                |                |                |                |                |                |              | 113.847,5        |
| 741B-Fomento do investimento en capital humano  | 3.308,1          |                |                |                |                |                |                |              | 3.308,1          |
| <b>Total</b>  | <b>155.516,4</b> | <b>8.993,7</b> | <b>3.305,0</b> | <b>1.459,9</b> | <b>1.672,3</b> | <b>4.246,8</b> | <b>5.195,7</b> | <b>897,9</b> | <b>181.287,7</b> |

(Miles de euros)

##### Orzamento consolidado. Distribución dos créditos por programas e capítulos

| Programas   | Capítulos       |                |            |                 |                |                  |              | Total            |
|---|-----------------|----------------|------------|-----------------|----------------|------------------|--------------|------------------|
|   | I               | II             | III        | IV              | VI             | VII              | VIII         |                  |
| 581A-Elaboración e difusión estatística   | 3.049,9         | 452,1          |            | 87,8            | 1.670,9        |                  |              | 5.260,7          |
| 611A-Dirección e servizos xerais de economía e facenda  | 3.785,4         | 1.575,1        |            | 7.832,4         | 248,0          | 8.701,3          |              | 22.142,3         |
| 611B-Formación do persoal de economía e facenda   |                 | 40,0           |            |                 |                |                  |              | 40,0             |
| 612A-Planificación, elaboración de orzamentos e coordinación económica  | 3.050,5         |                |            | 1.318,5         | 3.956,2        | 24,0             |              | 8.349,2          |
| 613A-Defensa da competencia   | 470,7           | 316,6          |            | 27,2            | 83,4           |                  |              | 897,9            |
| 621A-Administración financeira, tributaria, patrimonial e de control  | 22.543,9        | 2.808,0        | 3,5        |                 | 2.086,5        |                  |              | 27.441,9         |
| 741A-Apoio á modernización, internacionalización e mellora da competitividade, innovación e produtividade empresarial |                 |                |            | 6.953,8         |                | 106.045,4        | 848,4        | 113.847,5        |
| 741B-Fomento do investimento en capital humano  |                 |                |            | 3.308,1         |                |                  |              | 3.308,1          |
| <b>Total</b>  | <b>32.900,5</b> | <b>5.191,7</b> | <b>3,5</b> | <b>19.527,9</b> | <b>8.045,0</b> | <b>114.770,7</b> | <b>848,4</b> | <b>181.287,7</b> |

(Miles de euros)

## Distribución orgánica

| 01 SECRETARÍA XERAL E DO PATRIMONIO           | 2008             | 2009             | % Var.     |
|---|------------------|------------------|------------|
| Cap. I - Gastos de persoal                    | 15.016,1         | 15.186,3         | 1,1        |
| Cap. II - Gastos en bens correntes e servizos | 2.659,8          | 2.417,1          | -9,1       |
| Cap. IV - Transferencias correntes            | 19.251,9         | 19.412,8         | 0,8        |
| Cap. VI - Investimentos reais                 | 2.450,0          | 2.881,0          | 17,6       |
| Cap. VII - Transferencias de capital          | 111.615,1        | 114.770,7        | 2,8        |
| Cap. VIII - Activos financeiros               | 1.250,0          | 848,4            | -32,1      |
| <b>Total</b>                                  | <b>152.243,0</b> | <b>155.516,4</b> | <b>2,2</b> |

(Miles de Euros)

| 02 INTERVENCIÓN X. DA COMUNIDADE AUTÓNOMA | 2008           | 2009           | % Var.     |
|---|----------------|----------------|------------|
| Cap. I - Gastos de persoal                | 8.041,1        | 8.207,2        | 2,1        |
| Cap. VI - Investimentos reais             | 715,0          | 786,5          | 10,0       |
| <b>Total</b>                              | <b>8.756,1</b> | <b>8.993,7</b> | <b>2,7</b> |

(Miles de Euros)

| 03 DIRECCIÓN XERAL DE TRIBUTOS                | 2008           | 2009           | % Var.     |
|---|----------------|----------------|------------|
| Cap. I - Gastos de persoal                    | 1.226,1        | 1.267,0        | 3,3        |
| Cap. II - Gastos en bens correntes e servizos | 2.038,0        | 2.038,0        | 0,0        |
| <b>Total</b>                                  | <b>3.264,0</b> | <b>3.305,0</b> | <b>1,3</b> |

(Miles de Euros)

| 04 DIRECCIÓN XERAL DE ORZAMENTOS | 2008           | 2009           | % Var.     |
|----------------------------------|----------------|----------------|------------|
| Cap. I - Gastos de persoal       | 1.430,8        | 1.459,9        | 2,0        |
| <b>Total</b>                     | <b>1.430,8</b> | <b>1.459,9</b> | <b>2,0</b> |

(Miles de Euros)

| 05 D. X. DE POLÍTICA FINANCEIRA E TESOURO | 2008           | 2009           | % Var.     |
|---|----------------|----------------|------------|
| Cap. I - Gastos de persoal                | 1.632,0        | 1.668,8        | 2,3        |
| Cap. III - Gastos financeiros             | 0,0            | 3,5            | 0,0        |
| <b>Total</b>                              | <b>1.632,0</b> | <b>1.672,3</b> | <b>2,5</b> |

(Miles de Euros)

| 06 D.X. DE PLAN.ECON. E FONDOS COMUNITARIOS | 2008           | 2009           | % Var.     |
|---|----------------|----------------|------------|
| Cap. I - Gastos de persoal                  | 1.563,3        | 1.590,6        | 1,7        |
| Cap. VI - Investimentos reais               | 2.491,0        | 2.656,2        | 6,6        |
| <b>Total</b>                                | <b>4.054,3</b> | <b>4.246,8</b> | <b>4,7</b> |

(Miles de Euros)

| 80 INSTITUTO GALEGO DE ESTATÍSTICA            | 2008           | 2009           | % Var.      |
|---|----------------|----------------|-------------|
| Cap. I - Gastos de persoal                    | 3.036,5        | 3.049,9        | 0,4         |
| Cap. II - Gastos en bens correntes e servizos | 461,7          | 420,1          | -9,0        |
| Cap. IV - Transferencias correntes            | 94,9           | 87,8           | -7,5        |
| Cap. VI - Investimentos reais                 | 1.803,9        | 1.637,9        | -9,2        |
| <b>Total</b>                                  | <b>5.397,1</b> | <b>5.195,7</b> | <b>-3,7</b> |

(Miles de Euros)

| 81 TRIBUNAL GALEGO DEFENSA DA COMPETENCIA     | 2008         | 2009         | % Var.      |
|---|--------------|--------------|-------------|
| Cap. I - Gastos de persoal                    | 464,9        | 470,7        | 1,3         |
| Cap. II - Gastos en bens correntes e servizos | 348,7        | 316,6        | -9,2        |
| Cap. IV - Transferencias correntes            | 30,0         | 27,2         | -9,2        |
| Cap. VI - Investimentos reais                 | 91,8         | 83,4         | -9,2        |
| <b>Total</b>                                  | <b>935,3</b> | <b>897,9</b> | <b>-4,0</b> |

(Miles de Euros)

| SERVIZOS                                    | 2008             | 2009             | % Var.     |
|---|------------------|------------------|------------|
| 01 SECRETARÍA XERAL E DO PATRIMONIO         | 152.243,0        | 155.516,4        | 2,2        |
| 02 INTERVENCIÓN X. DA COMUNIDADE AUTÓNOMA   | 8.756,1          | 8.993,7          | 2,7        |
| 03 DIRECCIÓN XERAL DE TRIBUTOS              | 3.264,0          | 3.305,0          | 1,3        |
| 04 DIRECCIÓN XERAL DE ORZAMENTOS            | 1.430,8          | 1.459,9          | 2,0        |
| 05 D. X. DE POLÍTICA FINANCEIRA E TESOURO   | 1.632,0          | 1.672,3          | 2,5        |
| 06 D.X. DE PLAN.ECON. E FONDOS COMUNITARIOS | 4.054,3          | 4.246,8          | 4,7        |
| 80 INSTITUTO GALEGO DE ESTATÍSTICA          | 5.397,1          | 5.195,7          | -3,7       |
| 81 TRIBUNAL GALEGO DEFENSA DA COMPETENCIA   | 935,3            | 897,9            | -4,0       |
| <b>Total</b>                                | <b>177.712,8</b> | <b>181.287,7</b> | <b>2,0</b> |

(Miles de Euros)

### Consellería e organismo autónomo

|   | Consellería      |                  | OO.AA ou/e Axencias |                | Trans. Internas |                | Consolidado      |                  |
|---|------------------|------------------|---------------------|----------------|-----------------|----------------|------------------|------------------|
|   | 2008             | 2009             | 2008                | 2009           | 2008            | 2009           | 2008             | 2009             |
| Cap. I - Gastos de persoal                    | 28.909,5         | 29.379,9         | 3.501,4             | 3.520,6        |                 |                | 32.410,9         | 32.900,5         |
| Cap. II - Gastos en bens correntes e servizos | 4.697,8          | 4.455,1          | 810,4               | 736,7          |                 |                | 5.508,2          | 5.191,7          |
| Cap. III - Gastos financeiros                 | 0,0              | 3,5              |                     |                |                 |                | 0,0              | 3,5              |
| Cap. IV - Transferencias correntes            | 23.688,7         | 23.743,6         | 124,9               | 115,1          | 4.436,7         | 4.330,7        | 19.376,9         | 19.527,9         |
| <i>OPERACIÓNS CORRENTES</i>                   | <i>57.295,9</i>  | <i>57.582,0</i>  | <i>4.436,7</i>      | <i>4.372,4</i> | <i>4.436,7</i>  | <i>4.330,7</i> | <i>57.295,9</i>  | <i>57.623,6</i>  |
| Cap. VI - Investimentos reais                 | 5.656,0          | 6.323,7          | 1.895,7             | 1.721,3        |                 |                | 7.551,7          | 8.045,0          |
| Cap. VII - Transferencias de capital          | 113.510,8        | 116.492,0        |                     |                | 1.895,7         | 1.721,3        | 111.615,1        | 114.770,7        |
| Cap. VIII - Activos financeiros               | 1.250,0          | 848,4            |                     |                |                 |                | 1.250,0          | 848,4            |
| <i>OPERACIÓNS DE CAPITAL</i>                  | <i>120.416,8</i> | <i>123.664,1</i> | <i>1.895,7</i>      | <i>1.721,3</i> | <i>1.895,7</i>  | <i>1.721,3</i> | <i>120.416,8</i> | <i>123.664,1</i> |
| <b>Total</b>                                  | <b>177.712,8</b> | <b>181.246,1</b> | <b>6.332,4</b>      | <b>6.093,7</b> | <b>6.332,4</b>  | <b>6.052,0</b> | <b>177.712,8</b> | <b>181.287,7</b> |

(Miles de Euros)



### Medios persoais

| Consellería                        | 2008       | 2009       |
|------------------------------------|------------|------------|
| <i>Altos cargos</i>                | 12         | 12         |
| <i>Persoal funcionario</i>         | 765        | 765        |
| Subgrupo A1                        | 331        | 177        |
| Subgrupo A2                        | 46         | 190        |
| Subgrupo C1                        | 218        | 228        |
| Subgrupo C2                        | 153        | 153        |
| Grupo E e agrupacións profesionais | 17         | 17         |
| <i>Persoal laboral</i>             | 34         | 34         |
| Grupo I                            | 1          | 1          |
| Grupo II                           | 1          | 1          |
| Grupo III                          | 14         | 14         |
| Grupo IV                           | 14         | 14         |
| Grupo V                            | 4          | 4          |
| <i>Outro persoal</i>               | 11         | 11         |
| <b>TOTAL</b>                       | <b>822</b> | <b>822</b> |

| Instituto Galego de Estatística    | 2008      | 2009      |
|------------------------------------|-----------|-----------|
| <i>Altos cargos</i>                | 1         | 1         |
| <i>Persoal funcionario</i>         | 62        | 60        |
| Subgrupo A1                        | 45        | 24        |
| Subgrupo A2                        | 2         | 21        |
| Subgrupo C1                        | 7         | 7         |
| Subgrupo C2                        | 7         | 7         |
| Grupo E e agrupacións profesionais | 1         | 1         |
| <i>Persoal laboral</i>             | 13        | 13        |
| Grupo III                          | 11        | 11        |
| Grupo IV                           | 2         | 2         |
| <b>TOTAL</b>                       | <b>76</b> | <b>74</b> |

| Tribunal Galego de Defensa da Competencia | 2008     | 2009     |
|---|----------|----------|
| <i>Altos cargos</i>                       | 3        |          |
| <i>Persoal funcionario</i>                | 5        | 5        |
| Subgrupo A1                               | 1        | 1        |
| Subgrupo A2                               | 1        |          |
| Subgrupo C1                               | 2        | 3        |
| Grupo E e agrupacións profesionais        | 1        | 1        |
| <b>TOTAL</b>                              | <b>8</b> | <b>5</b> |

## Sociedades públicas

| Sociedades Públicas                                  | 2009      |           |           |
|--|-----------|-----------|-----------|
|  | Explo.    | Capit.    | TOTAL     |
| Instituto Galego de Promoción Económica              | 124.336,0 | 306.405,0 | 430.741,0 |
| Consello Económico e Social                          | 1.312,0   | 1.314,0   | 2.626,0   |
| SODIGA   | 5.138,0   | 0,0       | 5.138,0   |
| Centro Europeo Empresas e Innovación de Galicia,S.A. | 3.226,0   | 30,0      | 3.256,0   |
| Sociedade Pública de Investimentos de Galicia, S.A.  | 6.398,0   | 47.148,0  | 53.546,0  |
| CIXTEC   | 23.734,0  | 23.879,0  | 47.613,0  |
| XES GALICIA  | 4.496,0   | 1.702,0   | 6.198,0   |
| Autoestrada Alto de Santo Domingo - Ourense          | 9.899,0   | 25.288,0  | 35.187,0  |

(Miles de euros)